

OKVIRNI SPORAZUM

pružanje usluga tehničkog pregleda motornih vozila Ministarstva unutrašnjih poslova Kantona Sarajevo

Strane u okvirnom sporazumu:

Ministarstvo unutrašnjih poslova Kantona Sarajevo, ulica La Benevolencije broj 16, kojeg zastupa ministar mr. Ismir Jusko (u daljem tekstu: Ugovorni organ)

“ASA Assistance” d.o.o. Sarajevo, ulica Trg međunarodnog prijateljstva broj 25, kojeg zastupa direktor Alma Moranjkić (u daljem tekstu: Izvršilac)

Strane u okvirnom sporazumu saglasno konstatuju:

- da je u skladu sa Zakonom o javnim nabavkama BiH ("Službeni glasnik BiH", broj 39/14) proveden je postupak putem konkurentskog zahtjeva za dostavljanje ponuda za nabavku usluga tehničkog pregleda motornih vozila Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 24 (dvadeset četiri) mjeseca;
- Nabavka je izvršena na osnovu Odluke broj: 01-14-4-5789 od 17.10.2019. godine
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi izvršioca broj KI – 1006/19.

Član 1.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga tehničkog pregleda motornih vozila Ministarstva unutrašnjih poslova Kantona Sarajevo u skladu sa uslovima iz tenderske dokumentacije, ponudom Izvršioca usluga, odredbama ovog Okvirnog sporazuma i stvarnim potrebama Ugovornog organa.

Ukupna vrijednost okvirnog sporazuma iznosi 2.442,45 KM sa PDV-om (dvijehiljadečetiristotinečetredesetdva i 45/100 KM).

Cijene su fiksne i ne mogu se mijenjati za vrijeme važenja ovog okvirnog sporazuma.

Član 2.

Nakon zaključenja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 3.

Ugovorni organ će ugovorenu cijenu plaćati Izvršiocu u roku od 30 (trideset) dana po dostavljanju fakture.

Član 4.

Izvršilac se obavezuje da će uslugu obavljanja tehničkog pregleda izvršiti u roku od 24 (dvadeset četiri) sata od zaprimanja pisanog zahtjeva Ugovornog organa.

Član 5.

Izvršilac se obavezuje da ugovorenu uslugu izvrši u svemu prema propisima, standardima i normama kvaliteta, zakonskim i podzakonskim aktima koji važe za vrstu usluga koje su predmet nabavke.

Član 6.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ovaj okvirni sporazum se zaključuje na period od 24 (dvadeset četiri) mjeseca, a stupa na snagu danom obostranog potpisivanja.

Član 8.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj okvirni sporazum stupa na snagu danom potpisivanja ovlaštenih predstavnika i traje do realizacije pojedinačnih ugovora.

Član 10.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

IZVRŠILAC USLUGA
ASA Assistance d.o.o.
SARAJEVO



Alma Moranjkic

Broj: 11-348/20
Datum: 03-04-2020



GOVORNI ORGAN
VUP KANTONA
SARAJEVO

Štafa, mr. Ismir Jusko

Broj: 01-14-4-5789-7-OS
Datum: 03.04.2020. g.